



TOSHKENT DAVLAT YURIDIK UNIVERSITETI REKTORINING B U Y R U G ' I

24.06.2024

384-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti 3-kurs talabasi Turdaliyeva Munisa Shukurillo qizi 2024-yil 21-may kuni 2-sonli talabalar turar joyining 2-qavat 213-xonasida xonadoshi bo'lgan Xalqaro huquq va qiyosiy huquqshunoslik fakulteti 3-kurs talabasi Xudayqulova Sadoqatxon Baxodirjon qizi bilan tortishib qolgan.

Talaba Turdaliyeva Munisa 21-may kuni kech soat 22:30 lar atrofida yashash xonasiga kursdoshi Talxatova Feruza Nekmurotovnani imtihonga birga tayyorlanish uchun olib kirgan. Ammo, uning xonadoshi Xudayqulova Sadoqatxon Baxodirjon qizi kech bo'lganligi sababli bundan norozi ekanligi va Talxatova Feruza Nekmurotovnani xonasidan chiqib ketishini aytgan. Talaba Turdaliyeva Munisa Shukurillo qizi kursdoshining xonadan chiqmasligini aytgan va xonadoshi bilan tortishib ketgan.

Tortishuv davomida talaba Turdaliyeva Munisa Shukurillo qizi xonadoshi Xudayqulova Sadoqatxon Baxodirjon qizini "Pichoqni olib o'ldiraman", "Men seni pichoqlab, qamalib chiqsam ham afsuslanmayman", "haromi" va boshqa ko'plab uyatli so'zlar bilan haqorat qilgan. Bunga javoban talaba Xudayqulova Sadoqatxon Baxodirjon qizi "Qo'lingdan kelsa pichoqla, gapingga javob ber!" deya baqirgan. Shundan so'ng, talaba Turdaliyeva Munisa Shukurillo qizi xonadoshi Xudayqulova Sadoqatxon Baxodirjon qizini qo'li bilan itarib yuborgan. Xudayqulova Sadoqatxon Baxodirjon qizi ham bunga javob qaytargan.

Talaba Turdaliyeva Munisa Shukurillo qizi mazkur harakatlari bilan universitet Odob-axloq kodeksi 18-moddasi ikkinchi xatboshisi (Xodim, talaba va doktorantlarning o'zaro munosabatlarida inson qadr-qimmatiga hurmatsizlik,

shaxsiyatni kamsitish, o'zganing intellektual mulki yoki boshqa ijod mahsulini ruxsatsiz o'zlashtirib olish, qo'pollik, behayo so'zlar ishlatish, mushtlashish qat'iy man etiladi.) talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksi 18-moddasi hamda universitetning Ichki tartib qoidolari 83-bandiga asosan

BUYURAMAN:

1.Universitet Odob-axloq kodeksi 18-moddasi ikkinchi xatboshisi talablarini buzganligi uchun universitetning Xalqaro huquq va qiyosiy huquqshunoslik fakulteti 3-kurs talabasi Turdaliyeva Munisa Shukurillo qiziga hayfsan e'lon qilinsin.

2.Universitetning Xalqaro huquq va qiyosiy huquqshunoslik fakulteti 3-kurs talabalari Xudayqulova Sadoqatxon Baxodirjon qizi va Talxatova Feruza Nekmurotovnaga ogohlantirish berilganligi ma'lumot uchun qabul qilinsin.

3.Fakultet dekanlari (D.Umarxanova, D.Kamalova, B.Musayev, Sh.Saydullayev, A.Babadjanov) mazkur buyruq mazmun-mohiyati talabalar e'tiboriga yetkazilishi ta'minlasin.

4.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabani shaxsiy hujjatlar yig'majildiga buyruq nusxasi tikilishini ta'minlasin;

mazkur holat takror sodir etilsa, talabani talabalar safidan chetlashtirish mumkinligi to'g'risida ogohlantirsin.

5.Mazkur buyruq bajarilishini nazorat qilish prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan o‘rinbosari

B.NORMATOV



Kelishildi:

Direktor

SH.PO‘LOTOV



TTJ mudiri-kompleks rahbari

N.SHAYZAKOV



Katta yuriskonsult

A.TURSUNOV

